

Visoki predstavnik produžio mandat Jolyja Dixona na funkciji predsjedavajućeg Upravnog odbora Uprave za indirektno oporezivanje

Visoki predstavnik, Christian Schwarz-Schilling, danas je donio [odluku](#) kojom produžava mandat predsjedavajućeg Upravnog odbora Uprave za indirektno oporezivanje, Jolyja Dixona, od 1. aprila 2006. godine. Visoki predstavnik je produžio mandat g-dina Dixona za tri mjeseca, sa mogućnošću novog produženja za još četiri mjeseca.

“Činjenica da je Bosna i Hercegovina uredno izvršila uvođenje efikasnog sistema PDV-a – koji već daje doprinos ekonomskom rastu – velikim dijelom je zasluga Vašeg čvrstog predvođenja Upravnog odbora UIO”, izjavio je visoki predstavnik u pismu koje je uputio g-dinu Dixonu u kome ga obaviještava o svojoj odluci.

Visoki predstavnik je naglasio da je mandat g-dina Dixona produžen u januaru jer je bilo jasno da je održanje kontinuiteta u nadzoru nad UIO neodvojiv element uspješnog uvođenja PDV-a. “Od suštinskog je interesa da Upravni odbor i dalje vrši snažan uticaj na prikupljanje PDV-a i pruži otpor pristrasnim pritiscima svakodnevnih političkih interesa”, navodi u pismu visoki predstavnik, dodajući da “imam puno povjerenje u Vašu sposobnost da osigurate da se ovakav uticaj i održi”.

Visoki predstavnik je naveo da je uvođenje PDV-a u Bosni i Hercegovini bilo jedno od najuspješnijih od svih zemalja bivše Jugoslavije, i pozvao je da se sredstva za rješavanja

trenutnih spornih pitanja utvrde u okviru odgovarajućih zakona koji reguliraju porezni sistem. "Postoje mehanizmi koji omogućavaju da neka treća nezavisna strana izvrši reviziju mehanizama raspodjele prihoda", rekao je on, dodavši da ova mogućnost stoji i na raspolaganju Upravnom odboru ukoliko odbor bude smatrao da bi je trebao iskoristiti.